

Alde Zaharra berritzeko obrak ekain hasieran bukatuko dituzte

■ Granitoko lurra jartzen ari dira eta datorren hilaren erdialderako bukatuko dute ■ Kale ixkinak errematatu, arbolak jarri eta azkeneko ikutuak ekain hasierarako eginda egongo dira.

ALDE Zaharra berritzeko obrak ekain hasieran bukatuko dira, Udaleko Hirigintza Sailak Kronikari jakin arazi dionez. Azpiegitura eta saneamendua pasea dago eta orain lurra jartzen ari dira. Maiatz erdialdera azken ikutuak ematea faltako zaio eta hori ekain hasierarako egingo dute, San Joanak aurretik.

Kaxkoa berritzeko obrak hiru fasetan egin dira eta orain azken fasea ari dira bukatzen. Fase honetan berri-tu dituztenak dira Iturriaga, Urbieta eta Nafar kaleko puska bana. Lehenbiziko bi faseak Kardaberaz kalea eta Kale Nagusia izan ziren.

Berrikuntzen azken fasea

Kale Nagusian eta Kardaberaz kalean bezala, azken fase honetan ere azpiegitura eta saneamendua berri-tu dituzte eta itxura ere aldatu egingo zaio kaleari, espaloiak kendu eta granitoko lurra jarrita.

Azpiegitura eta saneamendua berritzeak suposatzen du, telefono eta instalazio elektriko berriak pasatzea, fibra optikoa sartzeko lekua eginda uztea, edateko uraren eta gasaren azpiegitura berritzea eta zaborra biltzeko sistema berria jartzea. Baita ere, iluminazioa aldatuko dute, zuhaitzak jarri eta espaloiak kenduko dituzte. Berritutako tramuak oinezkoentzako izango dira, baina karga eta deskarga lanak egiteko modua izango da.

Kontainerrak lur azpian

Berri-tu dituzten Urbieta eta Nafar kaleko zatietan, zaborra biltzeko sistema berria jarriko dute. Bi leku horietan kontainerrak lur azpian joan-



Hirugarren faseko obrak urtarrila bukaeran hasi ziren.

go dira eta zaborra botatzeko aho bat izango dute gainean. Kontainer horietan berziklatzen ez den zaborra botakoda, eta orain arte bezala eguneroko pasatzen den kamioiak bilduko du. Lur azpiko kon-

tainerrak sistema hidraulikoa daukate kanpora ateratzeko, eta behin kontainerra kanpoan dagoenean kamioiak orain arteko eran bilduko ditu. Lurrean 6.400 litroko kapazitatea daukaten 4 zulo

egin dira eta azpian desagueak jarri zaizkie hor sortu litezkeen zikinak garbitzeko. Manuel Fraile Hirigintzako buruak Kronikari jakin arazi dionez, kontainerrak lur azpian jartzeak helburu jakin batzuk ditu. Batetik usaia asko gutxituko duela pentsatzen dute eta bestetik kaleari itxura atseginago bat eman nahi zaio.

Aurrekontuaren % 68 Eusko Jaurlaritzak jarriko du

Udalak 1.000.000 eurotik gorako diru laguntza lortu du Alde Zaharreko obrak finantzatzeko. Horietatik 396.000 euro hirugarren faserako destinatuko dira eta horrek azken fase horren % 68 suposatzen du.

Azken fasearen aurrekontu osoa 581.906 euro da. □



Kontainerrak kutxa horien azpian joango dira.

'Biblia Osoa' antzezlanaren bihar Biterin

BIBLIA Osoa antzezlanaren egingo du Kanping Gags-Txalo taldeak bihar Biterin, arratsaldeko 20:00etan. Axier Ormaza, Patxi Marko eta Joseba Apaolaza dira aktoreak. Sarrerak salgai daude dagoeneko Biterin, 4,5 eurotan. □

Jai Batzordeak bilera du gaur

JAI Batzordeak bilera du gaur Biterin, arratsaldeko 18:00etan. San Joanetarako zenbait puntu eztabaidatu eta erabakiko dituzte. □

PELOTA



Iñaki Esnalek herrian jokatu du.

Txapelketako partiduak Hernanin

ASEGARCE eta Aspek txapelketa beren aldetik antolatu dutelana, Besagain eta Garfek beren txapelketak antolatu dituzte. Datorren larunbatean txapelketako partiduak izango dira Hernanin. Bi bitako txapelketan final laurdenetako partidua dute Esnal-Mendiak/Ayo-Gorritiren kontra. Jaialdiko lehen partidua, bigarren mailako buruz burukoa izango da eta Badiola III-k Gabarri II-ren kontra jokatu du. Larunbatean, 22:30etan kiroldegian. □

www.kronika.net
HERNANIK
kronika
Intemeten helbide berrian

Tel.: 943 551494 / 943 551912
Fax: 943 551130

Cardaveraz 68
Hernani 20120

GESTORIA
ZULAIKA
ASESORIA

PROKOLOR ZENTRUA
PL
Landaribar, s.l.
► Pintatzeko ekipoak
► Industri eta dekoraziorako pinturak
► Pintatutako paperak
Kardaberaz 45 - Telf.: 943 55 21 31 - Hernani

AMEGAR
Etxe tresnak
Altzariak
Elektrogailuak
TB- Bideoak-
HI-FI-Opariak
Sukalde altzariak
Tel.: 943 55 11 25
Faxa: 943 55 16 30

ITXASPE
Arrandegia
Antziola 5
Tel.: 943 330 365
Mobila: 653 74 10 97
20120 Hernani

GOXOKIAK
ROMBER
okindegia
Karmelo Labaka 6 - behe
Tel.: 943 331 123



Goitik hasita, ezkerrean Breogan Estevez, Fernando Esnaola, Jon Altuna 'Oxan' eta Ixidro Esnaola.

Hernaniko Xake Txapelketa azken fasean sartu da

■ Fernando Esnaola, Ixidro Esnaola, Jon Altuna eta Breogan Estevezek jokatuko dute finala, laurek elkarren kontra.

HERNANIKO Xake Txapelketako finala jokatu duen laukotea erabakia dago dagoeneko. Iazko txapelduna, Fernando Esnaola, eta orain bi urtekoa, Ixidro Esnaola, pasa dira finalera eta berekin punta puntan ibiltzen diren beste bi xake jokalaritako dira lehian: Jon Altuna *Oxan* eta Breogan Estevez.

Lau jokalariek bina partida jokatu behar dituzte elkarren kontra, bat fitxa txuriek eta bestea beltzekin, eta partida gehien irabazten duena izango da txapelduna. Partidak noiz

jokatu jokalariek adostuko dute, baina, egunotan izango dira, Bodega, Kitto, Gadaffi, Aker eta Haida tabernetan.

Parte hartze haundia

Susperraldian dagoen kirola da xakea Hernanin. Garai batean indar dezentea izan zuen, baina, izkutuan egon da azken urteetan. Hernaniko Xake Txapelketak eta xake taldeak berriz ere pil-pilean jartzen ari dute xakea eta gero eta jende gehiagok hartzen du parte. Aurtengo herriko txapelketan 40 lagun apuntatu

dira eta maila altua izan da.

Herriko taldeen harrobi

Hernanin herri barruko xake txapelketaz gain, badaude bi talde ere. Bi talde hauek herriko txapelketaren bueltan sortu ziren hain zuzen ere: txapelketan ibilitako jendeak elkar berotu eta animatuta. Bi taldeetan bat mailaz igo da aurtun eta besteak igoera fasea jokatu du. Herriko txapelketan finala jokatu duen laukoteak Hernanirekin ere jokatu du aurtun eta emaitza onak lortu dituzte. □

Familia euskaldunetan egonaldiak euskera ikasi edo hobetzeko

■ Uztaila, abuztua eta irailean dira egonaldiak.

FAMILIA euskaldunetan euskera ikasteko egonaldiak antolatzen ari dira Donostiako Urrats eta Bilboko Ulibarri euskaltegiak. Egonaldiak hila-betekoak behar dute gutxienez, uztaila, abuztua eta irailean.

Familientzako baldintzak

Euskera ikasi nahi duen jendea hartu nahi duten familiek zenbait baldintza bete behar dituzte: euskaldunak diren herri edo auzoetan bizitzea; udan familian 3 kide behintzat egotea eta elkarrekin euskeraz egitea eta abar. Familiak hilean 550 euro jasoko

ditu. Interesatuta dauden familiek gaur zortzi dute izena emateko azken eguna, apirilaren 30ean.

Ikasleentzako baldintzak

Ikasleek 18-45 urte bitartekoak behar dute eta 8garren urratsa edo baliokidea gainduta behar dute. Izena emateko maiatzaren 12tik ekainaren 6ra arteko epea dute eta hila-beteko 270 euro ordaindu behar ditu ikasleak.

Izen emateko edo informazio gehiagorako familiek 943 47 44 47 (Olga) telefonora deitu eta 94 416 24 72 (Alaitz) telefonora ikasleak. □



Dantzari festan herri askotako dantza taldeak elkartzen dira.

Dantzari festan laguntzeko prest daudenen bilera

DANTZARI festa da maiatzaren 3tik 10era Hernanin. Egun haundia maiatzaren 4a, igandea, izango da eta antolatzaileek laguntza eskatu dute. Igandean, Euskal Herriko zazpi probintziatoko dantza taldeak datoz Hernanira, eta 300 bat lagun elkartuko dira Tilosetan bazkaltzera. Jendeari

eskatuko zaion laguntza haundiena bazkaritan izango da, mahaiak jartzen, bazkaria serbitzen eta abar, eta hori antolatzeko bilera dago gaur Biterin. Antolatzaileek dei egin diote laguntzeko prest dauden hernaniarrei gaurko bilerara agertzeko. 19:00etan Biterin. □

Squash eta tenis txapelketarako izen ematea zabalik da kiroldegian

HERNANIKO Squash eta tenis txapelketak jokatu dira emakumezko eta gizonetzkoetan, kiroldegian. Bi txapelketa hauek dagoeneko urte batzuk badituzte: Squashak 10garren edizioa du aurtun eta tenisa 7garrena.

Aurtengorako izen ematea zabalik dago kiroldegian bertan, eta apirilaren 30a baino lehenago apuntatu behar da. Informazio gehiago nahi duenak 943 552185 telefonora deitu edo kiroldegitik pasa. □

ZERBITZUAK

☎ TELEFONOAK

- ☛ Taxiak: 943 550093
- ☛ Udaltzaingoa: 943 333288
- ☛ DYA: 943 464622
- ☛ Autobusak: 943 556662
- ☛ Anbulatorioa: 943 006666
- ☛ Jokalari anonimoak: 943 331103

☎ FARMAZIAK

- ☛ Egunez: Bulnes Florida auzoa ☎ 943 557738
- ☛ Gaez: Iturralde Usurbil. Poligono 13, 9 ☎ 943 363395

IRAGARKI MERKEAK

Esperientzia duen pelukerak Hernani inguruan lan egingo luke. Deitu: 637 09 83 24
Martxan dagoen Pub bat traspasatzen da Kardaberaz kalean. Deitu: 943 55 06 18